

— Pal e čhaj the pal e chundrul andro veš

Has kaj na has jekh čhaj čorori. Peľas ajso d'ives, hoj e daj la bičhaďa andro veš kaštenge. Phendas e daj: „No, mri čhaj, dža kaštenge, bo šil andro kher.“

E čhaj geľa bokhaľi the pindrangi, the giľavelas the rovelas u andre giľi peske le Devles mangelas, hoj te n'aven ajse čore. Avka dogeľas e čhaj dži andro veš. Sar kidelas o kašta, di-khel jekh bari chundrul. Kamel la te čhinel, aľe del pes anglal muřšikano hlasos: „Ma čhin man, bo sar čhineha, o dživipen našavava a tu mek sa čoreder aveha.“

„K'oda manca duma del?“

„Me, e chundrul. Som zakľejimen a tu man kalestar šaj odkeres. Me pre tu užaravas but berš.“

„Te sal manuř, sikhav tut mange, te sal bižužo, našľuv adarig.“

Sikhada pes lake čhavo. Dikhľas e čhaj, hoj hin šukar. Baro šukar čhavo! Aľe sar pes lake sikhada, takoj našľila, ča e chundrul ačhila.

„So me šaj kerav, te amen sam čore?“

„Ma dara, me tuke bičhavá princos, hoj niľda te na džanes, so hin bokh the čoripen,“ phenda e chundrul.

„Me imar muřinav te džal, bo užarel man e daj, bo hin andro kher šil.“

„Kana tut pale dikhava?“

„Sar pre kada than avava.“

No e čhaj avľas khere, le čhas bisterďas. O čhavo andro veš užarelas. Bičhaďas pre skuřka le princos bute lovenca, bare barvaľipnaha. Phenel o princos: „Kada hin sa tumaro a me kamav tumara čha romňake.“

E daj darand'ilaľ, sar dikhľas, hoj o princos avel te mangavel lakra čha – a jon hine čore. No chanas, pijenas, o čoripen imar na prindžarenas. Aľe e čhaj nasvaľila. Avľa lake pre miřľa, so andro veš lake phendas e chundrul – o čhavo: „Hoj avla man bacht a bičhavela ke amende le princos!“

E daj has rado, aľe e čhaj na, bo joj na kamel te bikenel o jilo.



E daj vičinda la čha ke peste: „Mri čhaj, dikh, savi bacht pre tu peľa, hoj o princos tut romňake mangel!“

Phenel e čhaj: „Koda, so peske anda, mi lel peske pale, bo me leskeri romňi na avava. Me les na kamav.“

Phenel lakri daj: „Soske?“

„Vaš koda, kaj me andro veš rakhľom čhas a jov amen aja bacht diňa.“

Phenel e daj la čhake: „Leha le princos, a na avres!“

Andre koda pes diňa anglal o čhavo andal o veš a phenel: „Bibi, mangav tumara čha romňake!“

E čhaj kija leste chuťila a čumidľas les. A dži akana dživen šukares a ňigda na prin-džarde, so hin čoripen.


O romano čhavo romane giľa giľavel,
Me les igen kamav, o jilo leske dava
Šun ča, more, šun, me tut igen kamav,
Miro jilo tuke dava.

ZŠ Jarovnice (OČ)

Savi šukar sal, čhaje,
Andro jilo mange skerďol, sar pre tu dikhav.

ZŠ Jarovnice (TG)





Romano džaniben - ňilaj 2005
Sborník romistických studií

Vydává Společnost přátel časopisu Romano džaniben
Ondříčkova 33, 130 00 Praha 3
tel.: 222 715 947, e-mail: dzaniben@email.cz, www.dzaniben.cz
bankovní spojení: 161582339/0300

Šéfredaktorka: Milena Hübschmannová
Výkonné redaktorky: Lada Viková a Helena Sadílková
Technický redaktor: Peter Wagner
Sazba: Petr Teichmann
Tisk: PBtisk, Příbram

Produkci zajišťuje nakladatelství G plus G, s.r.o.,
Biskupcova 78, 130 00 Praha 3
tel: 222 588 001, e-mail: gplusg@gplusg.cz, www.gplusg.cz

Náklad: 600 ks
Doporučená cena: 140 Kč
Roční předplatné: 280 Kč (včetně poštovného a balného)

ISSN 1210-8545
Evidenční číslo podle tiskového zákona: MK ČR E 6882

Nevyžádané rukopisy a fotografie se nevracejí. Obsah zveřejněných polemických článků nemusí být totožný se stanoviskem redakce. Podávání novinových zásilek povoleno Ředitelstvím pošt Praha č.j. NP 1360/1994 ze dne 24.6.1994.